

地14475  
42  
部=1-1/2

序  
凡  
例  
目  
錄  
與  
修  
職  
員  
姓  
名  
縣  
圖  
大  
事  
記

# 臨朐續志

乙亥孟秋

海青署

卷一之二

登錄號 00588

函 10 册

民國二十四年秋七月

臨朐續志

海青署

# 臨朐續志序

考臨朐縣志失修已五十年 鈞英於民國二十二年秋奉

命來宰是邦會 上憲令各縣續修縣志卽延邑內通學士劉仞  
千等任編纂事於二十三年九月設處續修惟上令僅限四個月  
卽展限亦不過兩月夫以五十年之事物物甄采刪取必期於  
短時蕝事初心未嘗不竊難之 鈞英既主縣政百務神勞又無暇  
同諸君子切磋搜討心殊歉然未幾限滿劉君仞千纍纍抱十餘  
冊來曰續志完全脫稿矣計共二十二卷請縣長審核并爲序弁  
之簡端 鈞英翻閱既竟見夫發凡起例靡不根據史裁鑿鑿有徵  
至若撰事取舍詳略亦均允當不圖五十年之鉅役竟能如限告

## 臨朐續志

卷一之二

青島俊德昌南紙印刷局

竣誠始願所不及此諸君子听夕勞瘁可知矣竊念前縣令姚公  
在任六七年遺愛在民而於重修縣志一事至今縉紳先生談及  
猶追美功德於無窮 鈞英武人也舍兵從政自愧精能弗逮今續  
志幸及 鈞英在任而督其成俾得與姚公先後相映此豈僅一邑  
文獻之光哉卽 鈞英亦與有榮焉耳以忝督修也誼不得以不文  
辭特悃贅數語用誌起訖云爾

中華民國二十四年二月臨朐縣縣長周鈞英序

序

民國二十二年十二月奉 民政廳令以奉

省府韓主席面諭令各縣續修縣志着造具預算章程呈核勿適供職縣府第五科掌理文書卽竭心力爲擬辦法並預算由科長簽呈縣府經 周縣長提出縣政會議議決通過分呈

省府財民兩廳核示遵行去後越半年之久未奉批示及去年五月

奉財民兩廳會令頒布各縣續修縣志辦法十條着遵照規定另

編預算呈核卽經如示辦理候令照行憶當民國十三四年之間曾與邑先輩馮德甫先生商榷修志事會遭匪亂未果自後勿奔馳南北暇輒殫究史體時常拮據古人著述疵累哆然譁於同道

臨朐續志

卷一之二

二

青島俊德昌南紙印刷局

或病持論過酷乃引刺人所以鑒己自解迨修志議起卽思有所參預濟南省立圖書館館長王君獻唐故識也乃先申函王君詢魯省志書以何縣體例爲最佳旋承見示並爲紹介濰縣陳鶴儕丁稼民兩公謂正纂修濰志可與討論體例勿遵囑逕函請教先爲商榷斷限體裁大君子虛懷樂善荷蒙剴切答覆娓娓千言歷陳志書源流及應遵循之例維誦回環欣如車得指南延至九月修志預算奉 財政廳批准照辦勿不材蒙 周縣長謬采虛聲俾總其事以邑績學士馬松操盧紹尼等四人輔之竊念匠作營室基礎須審於先縫人裁衣尺寸無待於後况茲事體大操觚不可無準的也亟罄平素所蓄擬具凡例目錄付印公佈遍給邑內

各同人審閱並郵寄濰縣陳丁二公斧政更簽呈縣府轉呈 省  
府及<sup>財民</sup>兩廳鑒核嗣先後奉到

憲令均稱妥適准備案飭卽依限完成時亦接到陳公鶴儕覆函  
辱推三長夙擅一字未竄將凡例目錄寄還此續志在編纂前之  
經過也自去年九月二十日設處纂修秋風寂案面面相覷五十  
年之事物一無依據惆悵徬徨幾於無從着手因察所擬目  
錄應取材於檔案者十之七取材於採訪者十之三特先急其所  
重向縣府斷爛紙堆中求志料惟自清季入民國時越兩代兵燹  
迭經朽匱敝架塵封霉漬一事尋根索源動輒掀翻滿室襍被衣  
服面目爲污吏胥伺至每蹙眉爲苦或覓一卷恆至數日不得有

臨朐續志

卷一之二

三

青島俊德昌南紙印刷局

時攜黜敗故牘纍纍歸以爲書某事可接續矣則羣相色然喜或  
一事首具矣而尾不完或首尾皆具矣而中斷祇得窮罅搜隙輾  
轉訪覓務竟全乃已<sup>切</sup>素性褊急一管握手恨不一揮而就甚至  
飲食洩遺嘗嫌枉糜時諸同人激於<sup>切</sup>之奮力也俱晝夜無間苦  
心採撰甫三月而大體備各區採訪稿亦紛紛相寄根本既具  
枝葉易敷已將完成矣會以沮議聞雖中心憤懣至於極度而一  
語着墨仍必公必慎曾未敢稍雜意氣也尋思在昔司馬遷班孟  
堅劉知幾輩皆負良史才而俱不免謗毀慘辱<sup>切</sup>何人斯豈能噤  
衆口而免人議長短哉今竟如限竣事計爲圖五爲記二爲表三  
爲略十一爲列傳二共約十餘萬言昔舊志成邑前輩譚心一氏

曾著縣志訂補爲矯正纂修者之諸紕謬今續志成矣吾深願有  
効譚心一氏之所爲者嗚乎范曄有言恥作文士文江淹有言修  
史之難莫難於作志今而後吾知勉矣中華民國二十四年一月  
劉仞千序

臨朐續志

卷一之二

# 臨朐續志凡例

一自杜征南有發凡起例之創後人著述因之而史體尤宗其法方志亦古侯國之史也依樣標的義莫能外故作凡例

一自班孟堅著漢書遂開斷代成書之例臨朐舊志即姚志以下稱舊志皆指此

成於清光緒十年此次續志應自光緒十一年接續編起時屬兩代針串一綫事爲舊志詳載者固未宜贅述但考范蔚宗著後漢書而百官祭祀諸志皆上溯至高祖而不從光武起今師其意間有追述既往而不斷代爲之者文貴相體未應拘泥一近見各縣志書有稱總目爲志者不惟賓主相犯且有僭史之嫌茲依鄭樵所規改稱爲略略者舉其大概云

## 臨朐續志

卷一之二

五

青島俊德昌南紙印刷局

一自清光緒十一年至今共五十年事或舊志存而後無者如科貢倉儲之類或雖存而變易者如防汛而改警團科舉而變學校之類或舊志本無而今應補者如選舉學資氏族方言之類皆著其沿革隨時增益志既稱乘義不厭詳也

一舊志敍自往古僅列爲十六總目今只五十年已分總目爲十九曰縣圖曰大事記曰秩官表曰科貢表曰學資表曰疆域略曰建置略曰氏族略曰食貨略曰教育略曰選舉略曰防衛略曰禮俗略曰藝文略曰金石略曰方言略曰官績列傳曰人物列傳曰雜記所繫子目統計共六十二事例以舊志或病詞費不知在昔政令有常人事較簡惟自清季入民國後截至今茲

政變頻仍條教棼如興革損益幾於月異而歲不同使非擴充志域新舊備書奚足以昭現代之信史昔司馬遷作史記上下二千年爲文共五十萬言而班固作漢書敍二百二十九年事卽成八十萬言張世偉曾以此論馬班優劣然細考之非馬故簡而班故繁也經緯不同義各有當也本志之繁蓋有不得不繁者存閱者其知之

一昔蘇子瞻爲表忠觀碑汪鈍翁撰睢州湯列婦旌門頌襲古不遵當時公式大爲章實齋氏所譏緣條教制度事關一代公令文辭不妨點竄而制度必須從時反是則貌同心異勢必乖事實之眞茲於各種稱謂及附錄各法令章則皆根據時式原文臨胸續志

卷一之二

六

青島俊德昌南紙印刷局

容或刪節而面目務存本來用彰故實

一史家記事訖如左氏之君子曰司馬遷之太史公曰班氏之贊曰范氏之論曰皆係篇後自抒所見茲仿鄭樵通志之例遇事斷限處間加按語非好舞文也蓋不如此則眉目不清脈絡不完

一古有生傳之說歷考兩漢以下如李赤何蕃方山等傳司馬君實之范蜀公傳皆及其生存爲之但不可爲訓因人之藏否蓋棺或未必論定故生存者不書惟守土之官果有實德在民又婦人守節從一而終其已邀旌典或雖未旌獎而年例旣符操守粹白則一生之責任已畢可無更俟沒身茲於宦績節孝雖

生存而循例書之以資激勸

一非史臣不應爲人立傳古人曾有此論然柳子厚引箋奏隸尙書以自解明歸震川則直言古作楚國先賢傳襄陽耆舊傳皆非蘭臺館閣之臣公羊穀梁亦未聞與左邱明同爲某國之史臣也此論出而記事之例始寬舊志於宦績人物標題不敢稱傳未免拘陋茲志官吏直作宦績列傳志德行儒林節孝等直作人物列傳

一傳志標端應書當時官爵但行文處不可泥論或依古稱或依俗稱要取序述之便如歸震川張元忠傳稱某知縣爲錢唐令洧南居士傳稱某知府爲某太守施愚山袁業泗傳稱按察使

臨朐續志

卷一之二

七

青島俊德昌南紙印刷局

布政使爲藩臬兩司此例求之作者實不一而足茲於傳志敘述亦本此意文中古今間稱如知縣稱令布按稱藩臬民國督辦簡稱督無非求免笨滯以期簡潔至於序人稱名各史列傳皆然例援自古胥非創筆也

一昔劉知幾著史通作采撰篇多譏往史摺摭失實今一邑之小不比一國之大山水人物何難履迹遍訪但在外籍人爲之則戶庭而外未必具有真知舊志主編者名爲知縣姚公其實假手於上元鄧蔣二氏以外籍之人撰臨朐之志當時采訪者既不遍於各鄉故於山水人物諸篇多所訛舛邑先輩譚心一氏著縣志訂補曾逐一發其謬妄此次續志各區俱延采訪凡屬

於政治變革固應根據檔案纂修至山水人物悉依采訪來稿撰之未必註所援據其山水一門爲舊志辨證尤多俗儒重耳之見庶藉以震其瞽惑焉

一方言一門非邑乘所重但左氏國語晉楚原有特殊在胸言胸亦方志所以稱方志也邑素乏小學家今倩時俊陳伯華氏撰方言一略不但補舊志之闕兼以著胸人啓口之眞未始非全書之特色也

一舊志之修起訖經三年之久官書既有康熙屠志可徵而私家著述又有傅氏之昌國餘鯉張氏之臨朐編年錄更參以清咸豐間安邱劉氏所修之青州府志左右逢源載筆自易爲力今

臨朐續志

卷一之二

八

青島俊德昌南紙印刷局

檔案多殘缺不完私門著述僅有譚心一氏之縣志訂補此外文獻闕然毫無所憑又時期只限四個月絕少從容纂輯之暇惟恃勤蒐博諮昕夕無懈及各同仁殷殷相助豐遺志材始克如期竣事志成計約十餘萬言挂漏舛錯恐所難免邦人君子幸垂察焉

臨朐續志凡例終

臨朐續志目錄

卷一之二

縣圖 大事記

卷三之五

秩官表 科貢表 學資表

卷六之七

疆域略 六  
七

卷八之九

建置略 氏族略

卷十之十一

臨朐續志 卷一之二

食貨略 十一

卷十二之十四

教育略 選舉略 防衛略

卷十五之十六

禮俗略 藝文略

卷十七之十八

金石略 方言略

卷十九之二十

宦績列傳 人物列傳

卷二十一之二十二

人物列傳 雜記

臨朐續志

卷一之二

一〇

青島俊德昌南紙印刷局

臨朐續志目錄終

臨朐續志與修職員姓名

臨朐縣縣長兼督修 周鈞英 河北

臨朐縣政府第三科科长兼監修 陳濡曾 邑人

臨朐縣政府第五科科长兼協修 劉志曾 全上

總纂 劉仞千 全上

分纂 馬康侯 全上

全上 盧紹尼 全上

全上 程墨齋 全上

全上 馬伯言 全上

事務 員 高海青 全上

臨朐續志 卷一之二

二 青島俊德昌南紙印刷局

第一區 采訪 員 譚功臣 全上

全上 陳子臨 全上

名譽 采訪 員 陳模山 全上

全上 譚乙山 全上

全上 孫蔚堂 全上

全上 程魁三 全上

全上 馬光軒 全上

第二區 采訪 員 趙俊卿 全上

全上 崔端甫 全上

名譽 采訪 員 陳伯華 全上

全 上 馬郁庭 全上

全 上 郎郁亭 全上

第 三 區 采 訪 員 王蔭亭 全上

全 上 陳韶九 全上

名 譽 采 訪 員 蕭子襄 全上

全 上 陳斐卿 全上

全 上 韓少黎 全上

全 上 張沂津 全上

全 上 居仁菴 全上

第 四 區 采 訪 員 韓琢亭 全上

臨胸續志 卷一之二

三 青島俊德昌南紙印刷局

全 上 譚筱侯 全上

名 譽 采 訪 員 楊仲瀛 全上

全 上 馮升軒 全上

全 上 馬殿階 全上

全 上 馮金聲 全上

第 五 區 采 訪 員 譚紹文 全上

全 上 楊錫九 全上

名 譽 采 訪 員 譚晉三 全上

全 上 楊友璣 全上

全 上 馬仙圃 全上

第六區采訪員 劉次符 全上

全上 李桐岡 全上

名譽采訪員 李敬軒 全上

全上 王昭廷 全上

第七區采訪員 李峯三 全上

全上 李文卿 全上

名譽采訪員 徐翰卿 全上

第八區采訪員 崔慎齋 全上

全上 何錫三 全上

名譽采訪員 李漢三 全上

臨朐續志 卷一之二

一三 青島俊德昌南紙印刷局

書記 員 李星三 全上

全上 張和齋 全上

臨朐續志卷一

縣圖序

考古州郡之書多以圖經爲號而地理統圖起於蕭何之收圖籍是圖之存於古者代有其書惟自司馬遷氏作史記創定百三十篇但知本周譜而作表不知溯夏鼎而爲圖遂使前世之形勢名象無能蹤蹟圖譜之製寢以亡矣夫以鄭康成之學而憑文字以求則獻尊詰爲鳳舞至於鑿背之犧旣出而王肅之訓義爲長此無他鄭氏困於三代圖亡之故也先儒言史嘗謂表闕而列傳不得繁抑不知圖闕而書志不得不冗也三輔黃圖元和圖志洛陽宮殿尙已鄭樵著圖譜略自謂獨得之學然祇知收錄圖譜之臨朐續志

卷一之二

一四

青島俊德昌南紙印刷局

目而不知自創圖體以補前志之所無則是楚雖失之而晉亦未爲得也邑舊志有疆域全圖自謂矯前志五失計里分方得自履驗然以今考之疏陋甚矣因念耳治自治之不同形狀名象不可旁求於文字遂重新爲圖五曰縣舊自治區圖曰縣新自治區圖曰縣城圖曰南關圖曰北關圖各列圖例以便省覽雖以時期迫促繪製未盡符於科學要之就楮幅而悉全境焉庶合於方志開卷而首重者乎作縣圖

# 臨朐縣南關圖

